

Zbirka medijskih objava

VladaBrckoDistrikta_kliping_dnevno,
za razdoblje 9. 1. 2021

Broj objava: 18

Internet: 4

Televizija: 5

Štampa: 9

Teme praćenja:

Vlada Brčko Distrikta: 1

Gradonačelnik: 0

Skupština Brčko: 0

Brčko: 17

Vlada Brčko Distrikta:

Štampa	Naslov	Duže radno vrijeme		
Serijski br. 1	Medij; Doseg	Dnevni avaz; 50.000, Bosna i Hercegovina	Stranica: 8	Površina: 39 cm ²
	Rubrika, Datum	Teme; 9. 1. 2021		
	Autor	Unknown		
	Teme	Vlada Brčko Distrikta		

Brčko:

Internet	Naslov	Policija Brčko: Zbog napada na policijskog službenika jedno lice lišeno slobode		
Serijski br. 1	Medij; Doseg	Infobrcko.com; 1.158, Bosna i Hercegovina		
	Rubrika, Datum	Ostalo; 8. 1. 2021		
	Autor	Unknown		
	Teme	Brčko		

Internet	Naslov	Brčko: Produženo radno vrijeme ugostiteljskim objektima do 21.00 sat		
Serijski br. 2	Medij; Doseg	Infobrcko.com; 1.158, Bosna i Hercegovina		
	Rubrika, Datum	Ostalo; 8. 1. 2021		
	Autor	Unknown		
	Teme	Brčko		

Internet	Naslov	U BiH 602 novozaraženih koronom, među preminulima i 30-godišnjakinja		
Serijski br. 3	Medij; Doseg	Klix.ba; 1.158, Bosna i Hercegovina		
	Rubrika, Datum	Ostalo; 8. 1. 2021		
	Autor	A. Z.		
	Teme	Brčko		

Internet	Naslov	Šta kada vakcina stigne u BiH i koliko treba proći do početka imunizacije građana		
Serijski br. 4	Medij; Doseg	Klix.ba; 1.158, Bosna i Hercegovina		
	Rubrika, Datum	Ostalo; 8. 1. 2021		
	Autor	D. B. E.		
	Teme	Brčko		

Televizija	Naslov	U BiH 602 novozaražene osobe		
Serijski br. 5	Medij; Doseg	NTV Hayat; , Bosna i Hercegovina	19:00	Trajanje: 1 min
	Rubrika, Datum	Vijesti u 7; 8. 1. 2021		
	Autor	Unknown		
	Teme	Brčko		

Televizija	Naslov	Koronavirus u BiH		
Serijski br. 6	Medij; Doseg	O kanal; , Bosna i Hercegovina	18:25	Trajanje: 4 min
	Rubrika, Datum	O Dnevnik; 8. 1. 2021		
	Autor	Belma Kaljanac		
	Teme	Brčko		

Televizija	Naslov	Vlada FBiH: Razmotriti nove mjere		
Serijski br. 7	Medij; Doseg	Radio Televizija Federacije Bosne i Hercegovine; , Bosna i Hercegovina	19:30	Trajanje: 2 min
	Rubrika, Datum	Dnevnik; 8. 1. 2021		
	Autor	Demić Amina		
	Teme	Brčko		

Televizija	Naslov	Koronavirus u BiH		
Serijski br. 8	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 2 min
	Rubrika, Datum	Dnevnik; 8. 1. 2021		
	Autor	Unknown		
	Teme	Brčko		

Televizija	Naslov	I dalje nepovoljna epidemiološka situacija		
Serijski br. 9	Medij; Doseg	Radio televizija Republike Srpske; , Bosna i Hercegovina	19:30	Trajanje: 2 min
	Rubrika, Datum	Dnevnik; 8. 1. 2021		
	Autor	Unknown		
	Teme	Brčko		

Štampa	Naslov	U BiH umrle 33 osobe		
Serijski br. 10	Medij; Doseg	Dnevni avaz; 50.000, Bosna i Hercegovina	Stranica: 4	Površina: 77 cm ²
	Rubrika, Datum	Aktuelno; 9. 1. 2021		
	Autor	B. Al.		
	Teme	Brčko		

Štampa	Naslov	Kako je Dejton mijenjan bez zvanično usvojenih promjena		
Serijski br. 11	Medij; Doseg	Dnevni avaz - Sedmica; 50.000, Bosna i Hercegovina	Stranica: 6	Površina: 801 cm ²
	Rubrika, Datum	Dnevni avaz - Sedmica; 9. 1. 2021		
	Autor	Unknown		
	Teme	Brčko		

Štampa	Naslov	PLAĆAMO LI CIJENU PROSLAVE PRAZNIKA?		
Serijski br. 12	Medij; Doseg	Dnevni list; , Bosna i Hercegovina	Stranica: 11	Površina: 155 cm ²
	Rubrika, Datum	Događaji; 9. 1. 2021		
	Autor	Unknown		
	Teme	Brčko		

Štampa	Naslov	Ništa od 1,5 milijardi KM za BiH		
Serijski br. 13	Medij; Doseg	Oslobođenje; , Bosna i Hercegovina	Stranica: 1	Površina: 892 cm ²
	Rubrika, Datum	U žiži; 9. 1. 2021		
	Autor	B.A. Bičakčić Almir		
	Teme	Brčko		

Štampa	Naslov	Kantoni sami kreću u nabavku vaktina		
Serijski br. 14	Medij; Doseg	Oslobođenje; , Bosna i Hercegovina	Stranica: 2	Površina: 312 cm ²
	Rubrika, Datum	U žiži; 9. 1. 2021		
	Autor	Babić Merima		
	Teme	Brčko		

Štampa	Naslov	Mlada Brčanka živi san u Grenoblu		
Serijski br. 15	Medij; Doseg	Oslobođenje; , Bosna i Hercegovina	Stranica: 4	Površina: 645 cm ²
	Rubrika, Datum	Događaji; 9. 1. 2021		
	Autor	Lončarić Amela		
	Teme	Brčko		

Štampa	Naslov	Otvoreni tenderi za obnovu Luke Brčko		
Serijski br. 16	Medij; Doseg	Oslobođenje; , Bosna i Hercegovina	Stranica: 13	Površina: 287 cm ²
	Rubrika, Datum	Biznis i ekonomija; 9. 1. 2021		
	Autor	Aljić Miren		
	Teme	Brčko		

Štampa	Naslov	Od 1250 "izvedenih" iz prava bez mirovine ostalo njih 306		
Serijski br. 17	Medij; Doseg	Večernji list; , Bosna i Hercegovina	Stranica: 8	Površina: 654 cm ²
	Rubrika, Datum	Aktualno; 9. 1. 2021		
	Autor	Vidačak Ljiljana		
	Teme	Brčko		

infobrcko.com



Policija **Brčko**: Zbog napada na policijskog službenika jedno lice lišeno slobode



Dana 07. 01. 2021. godine u 19.10 sati Policija **Brčko** distrikta BiH je zaprimila obavijest da je u ulici Bosne Srebrene došlo do fizičkog napada na policijskog službenika od strane lica B.M. rođenog 2001. godine u **Brčkom**.

Odmah nakon napada policijski službenici Policije **Brčko** distrikta BiH su izašli na lice mjesta i izvršili uviđaj, te lišili slobode lice B.M., za koje je alkotestiranjem utvrđeno da u organizmu ima 2,51 g/kg alkohola u krvi, dok je utvrđivanje stepena povreda policijskog službenika još u toku.

Uviđajem je utvrđeno da postoji osnov sumnje da je lice B.M. počinilo krivično djelo "Napad na službenu osobu u obavljanju poslova sigurnosti" iz člana 353. stav (2) Krivičnog zakona **Brčko** distrikta BiH.

Uz Izvještaj o počinjenom krivičnom djelu lice B.M. će biti predato Tužilaštvu **Brčko** distrikta BiH na dalje krivično pravno procesuiranje.

infobrcko.com




Brčko: Produženo radno vrijeme ugostiteljskim objektima do 21.00 sat



Štab za zaštitu i spašavanje **Brčko** distrikta BiH produžio je danas, na 86. sjednici, rad ugostiteljskim objektima u **Brčkom** do 21.00 sat, počevši od 11. 1. 2021. godine.

Štab je donio i naredbu da JZU „Zdravstveni centar **Brčko**“ hitno izvrši nabavku dva prenosna respiratora.



U BiH 602 novozaraženih koronom, među preminulima i 30-godišnjakinja

Na koronavirus u Bosni i Hercegovini pozitivne su još 602 osobe. Podaci su to dobijeni na osnovu 3.548 uzoraka koji su u posljednja 24 sata testirani u Federaciji BiH i Brčko distriktu te 708 uzoraka testiranih u RS-u u proteklih 48 sati. Preminule su 33 osobe.

Na koronavirus u Bosni i Hercegovini pozitivne su još 602 osobe. Podaci su to dobijeni na osnovu 3.548 uzoraka koji su u posljednja 24 sata testirani u Federaciji BiH i Brčko distriktu te 708 uzoraka testiranih u RS-u u proteklih 48 sati. Preminule su 33 osobe.

Federacija BiH

U protekla 24 sata Zavodu za javno zdravstvo Federacije BiH prijavljena su 3.543 uzorka, od kojih je 451 pozitivan na koronavirus.

Novi slučajevi registrirani su u svim kantonima u Federaciji BiH.

Do sada je testirano ukupno 358.330 uzoraka, a koronavirus je potvrđen kod 74.233 osobe.

Zaključno s današnjim danom, u Federaciji BiH izliječeno je 55.277 pacijenata. U protekla 24 sata oporavljena su 332 pacijenta. Trenutno je aktivno 16.678 slučajeva.

U protekla 24 sata Zavodu za javno zdravstvo Federacije BiH prijavljeno je ukupno 9 novih smrtnih ishoda i to: Zeničko-dobojski kanton - 3, Tuzlanski kanton - 2, Hercegovačko-neretvanski kanton - 2, Zapadnohercegovački kanton - 1 i Srednjobosanski kanton - 1.

S današnjim danom broj smrtnih ishoda na području Federacije BiH je 2.278.

Republika Srpska

Od posljednjeg izvještaja o epidemiološkoj situaciji u Republici Srpskoj, u posljednjih 48 sati, u Institutu za javno zdravstvo Republike Srpske, Univerzitetskom kliničkom centru Republike Srpske, Univerzitetskoj bolnici Foča i u bolnicama Sv.

Vračevi u Bijeljini i Sv. apostol Luka u Doboju i izvršeno je testiranje 708 laboratorijskih uzoraka, a novi virus korona potvrđen je kod 150 osoba.

Radi se o 94 muške i 56 ženskih osoba, od kojih je 18 mlađe, 82 srednje i 50 osoba starije životne dobi.

Prema mjestu prebivališta, 68 osoba je iz Banje Luke, po sedam iz Bijeljine, Bosanske Gradiške, Doboja, Laktaša i Prnjavora, po pet iz Višegrada, Zvornika i Bosanske Dubice, po četiri iz Mrkonjić Grada i Ribnika, po tri iz Vlasenice i Prijedora, po dvije iz Kneževa, Kostajnice, Kotor Varoši i Bosanskog Novog i po jedna iz Bosanskog Broda, Gacka, Dervente, Donjeg Žabara, Istočnog Novog Sarajeva, Kalinovika, Ugljevika, Čelinca, Šekovića i Šipova.

U posljednjih 48 sati Institutu za javno zdravstvo Republike Srpske prijavljena su 22 smrtna slučaja kod kojih je potvrđeno prisustvo virusa korona. Radi se o 12 muškaraca i 10 žena, srednje i starije životne dobi, od kojih je i jedna mlađa ženska osoba (30 godina). Sedam osoba je iz Banje Luke, dvije iz Prnjavora i po jedna osoba iz Bijeljine, Čelinca, Istočnog Novog Sarajeva, Kneževa, Laktaša, Lopara, Prijedora, Rogatice, Bosanskog Šamca, Šipova, Vlasenice, Teslića i Zvornika.

Do sada su u Republici Srpskoj potvrđena 37.853 slučaja virusa korona, a preminulo je ukupno 1.868 osoba kod kojih je potvrđen test na koronavirus.

U Republici Srpskoj su se od koronavirusa do sada oporavile 23.943 osobe, a testirane su ukupno 165.764 osobe.

Ukupan broj hospitalizovanih u Republici Srpskoj je 634, u Univerzitetskom kliničkom centru Republike Srpske 234, a u opštim bolnicama 400.

U Republici Srpskoj pod zdravstvenim nadzorom trenutno je 7.541 osoba, a nadzor je završen kod 120.724 osobe.

Brčko distrikt

Danas je u **Brčko** distriktu BiH registrovan jedan novi slučaj zaraze virusom korona od pet testiranih uzoraka. Preminule su dvije muške osobe.

Oporavilo se 113 osoba, a trenutno je aktivno 1.047 slučajeva zaraze.



Šta kada vakcina stigne u BiH i koliko treba proći do početka imunizacije građana

Pfizerove vakcine, putem COVAX mehanizma, u BiH će stići krajem ovog ili početkom narednog mjeseca. Pošiljke će dolaziti u manjim količinama na sedmičnom nivou.

Pfizerove vakcine, putem COVAX mehanizma, u BiH će stići krajem ovog ili početkom narednog mjeseca. Pošiljke će dolaziti u manjim količinama na sedmičnom nivou.

No uoči dolaska vakcine mnogo je pitanja o tome kako izgleda procedura uvoza, registracije i odobrenja, distribucije, skladištenja i najvažnije početka imunizacije stanovništva. Istina, mnogo je i nejasnoća zbog komplikovanog bh. ustrojstva i prebacivanja odgovornosti različitih nivoa vlasti i nadležnih agencija.

Ono što je prvo jeste da vakcinu po Zakonu o lijekovima može uvesti samo ovlašteni uvoznik odnosno veletrgovlja. S obzirom da Pfizer nije registrovan kao veleprometnik u Ministarstvu vanjske trgovine i ekonomskih odnosa, uvoz i distribuciju će raditi veletrgovlja s kojima sarađuju.

Nakon što vakcine avionom stignu u BiH, njih će ovlašteni veletrgovlja koja ima odobrenje za prometovanje lijekovima hladnim lancima skladištiti, a zatim distribuirati u centre gdje se nalaze posebni frižideri koji će vakcine čuvati na -80 stepeni Celzijusa. Prema zakonu vakcine bi trebali biti skladištene u bolničkim apotekama, a odatle dalje.

Kako saznajemo Ministarstvo civilnih poslova BiH je već raspisalo tender za odabir veletrgovlje koja će raditi taj posao, a entitetska ministarstva su spremna učiniti sve kako bi pomogli u procesu distribuciju, skladištenja i slično. Za nadati se da tender neće oduzeti previše vremena jer cilj treba biti što prije staviti vakcinu u upotrebu.

Plan u Federaciji BiH je da distributivni centri budu Sarajevo, Mostar i Tuzla, a postoji opcija i još dva grada među kojima je Bihać. U Republici Srpskoj centri bi trebali biti Banja Luka, Bijeljina i Istočno Sarajevo, a eventualno i Trebinje.

Vakcine u našoj državi mogu biti na tržištu po dva osnova, a to je tzv. odobrena vakcina od Agencije za lijekove i medicinska sredstva BiH ili interventno uvezena vakcina koju je odobrilo entitetsko ministarstvo zdravstva i koja ne posjeduje dozvolu Agencije.

Vakcine u BiH će, najvjerovatnije, ući putem interventnog uvoza, dakle bez odobrenja Agencije za lijekove BiH, što znači ubrzan proces sa manje dokumentacije.

Treba istaći da je zastupnik kompanije odnosno veletrgovlja koja uvozi dužan dostaviti kompletnu dokumentaciju Agenciji za lijekove i medicinska sredstva BiH koja zatim saziva Komisiju za lijekove koju čine stručnjaci iz oba bh. entiteta i Distrikta Brčko koji će dati svoje mišljenje odnosno odobrenje. S obzirom da je Evropska agencija za lijekove (EMA) odobrila Pfizerovu vakcinu neće biti upitno da li će je odobriti i BiH.

Ako se i uvede interventno bit će potreban nalaz kontrole kvaliteta. S obzirom da kontrolne laboratorije u BiH nemaju mogućnost kontrolu kvalitete vakcine, očekuje se da uz vakcine stigne i tzv. OCABR certifikat koji će garantovati provjereni kvalitet vakcine.

Entitetska ministarstva će 18. januara iskazati spremnost za prijem vakcina. Pretpostavimo da zastupnik dostavi kompletnu dokumentaciju 20. januara nakon čega će hitno zasjedati Komisija za lijekove koja će pregledati dokumentaciju i dati zeleno svjetlo. To ne bi trebalo trajati više od dan ili dva što će značiti da će lijek odnosno vakcina biti u prometu kroz nekoliko dana od dana dolaska.

Ukoliko, pretpostavimo, pošiljka vakcine stigne u BiH 25. januara i odmah se hladnim lancem distribuira prema gradovima gdje se nalaze frižideri koji održavaju temperaturu na -80 stepeni Celzijusa, prema našim saznanjima, proces imunizacije stanovništva može početi već u sljedećim danima. Dakle cijeli proces od dana dolaska vakcine do početka imunizacije stanovništva ne bi trebao trajati duže od sedam dana.


Iz Agencije za lijekove BiH uputili su pismo zdravstvenim radnicima u kojem upozoravaju na bitnost načina skladištenja i očuvanja kvaliteta vakcine. Od veleprometnika se traži da ispravno čuvaju i transportuju vakcinu do isporuke u zdravstvene ustanove jer u protivnom nepravilno čuvana vakcina neće moći ispoljiti svoje djelovanje na pravi način, može dovesti do masovnih komplikacija koje u nekim slučajevima mogu biti fatalne. Također, ukoliko se vakcine snještaju na neodgovarajuću lokaciju, na duže vrijeme, to može sigurno ugroziti njen kvalitet.

Kao što je poznato BiH je naručila 1,2 miliona doza vakcine putem COVAX mehanizma i 892.000 doza putem EU, što predstavlja količinu za imunizaciju 20 posto stanovništva. Prioritet će biti vakcinacija zdravstvenih radnika i korisnika domova za starije i nemoćne i radnike tih ustanova odnosno rizičnih skupina stanovništva.

U BiH 602 novozaražene osobe



Koronavirus u BiH



Država: Bosna i Hercegovina

Doseg:


Indeks

Trajanje: 02:00


(pogledaj)

1 / 1


Vlada FBiH: Razmotriti nove mjere



Koronavirus u BiH



I dalje nepovoljna epidemiološka situacija





Pandemija koronavirusa u BiH

U BiH umrle 33 osobe

U BiH su umrle još 33 osobe, a među njima 30-godišnjakinja iz RS, a na koronavirus su pozitivne 602 osobe. Ovo su podaci Zavoda za javno zdravstvo FBiH i Štaba za zaštitu i spašavanje **Brčko** Distrikta za protekla 24

sata, te Instituta za javno zdravstvo RS koji je u posljednjem izvještaju saopćio podatke prikupljene u posljednja dva dana.

U FBiH su testirana 3.543 uzorka, od kojih je 451 pozitivan. Preminulo je devet osoba. U RS je testirano 708 laboratorijskih uzoraka, a koronavirus je potvrđen kod njih 150. Prijavljena su 22 smrtna slučaja, a među preminulima je i 30-godišnja ženska osoba.

Na području **Brčko** Distrikta, od pet testiranih potvrđen je jedan novi slučaj zaraze, a umrla su dva muškarca. **Al. B.**

- Tuzla - 33 pozitivnih, 1 preminulih
- Mostar - 46 pozitivnih, 1 preminulih
- Posušje - 0 pozitivnih, 1 preminulih
- Bosanska Gradiska - 7 pozitivnih, 0 preminulih
- Vlasenica - 3 pozitivnih, 1 preminulih



Ugostitelji **Brčko**



*Od 11. januara radit
će duže*

Duže radno vrijeme

► Štab za zaštitu i spašavanje **Brčko** Distrikta BiH produžio je rad ugostiteljskih objekata u **Brčkom** do 21 sat, počevši od 11. januara 2021. godine. Štab je jučer donio i naredbu da JZU "Zdravstveni centar **Brčko**" hitno nabavi dva prijenosna respiratora, saopćeno je iz **Vlade Brčko Distrikta** BiH.



FELJTON Dejton – jučer, danas, sutra (IV)

Kako je Dejton mijenjan bez zvanično usvojenih promjena

Sam sporazum je preko institucije visokog predstavnika omogućio suštinsko mijenjanje Dejtona bez zadiranja u njegov tekst

Nakon što smo se u prethodna tri teksta bavili dramatičnim predratnim i ratnim događajima koji su u konačnici doveli do potpisivanja Dejtonskog sporazuma koji je definirao trenutno uređenje BiH, u četvrtom nastavku feljtona analiziramo ključne, faktičke izmjene Dejtona, kao i najveću inicijativu za promjenu ustavnog uređenja.

Izmjene bez izmjena


Računajući upravo na jaz koji postoji između nacionalnih političkih elita u BiH, dejtonski ustavotvorci su predvidjeli mehanizme ustavnih promjena kojima se formalno ne zadiru u sam tekst Ustava, ali ga suštinski mijenjaju. Ustavne reforme najviše su bile uvjetovane potrebom stvaranja funkcionalne države, ali i ispravljanja brojnih odredbi Ustava koje su direktno bile suprotstavljene ključnim međunarodnim dokumentima, poput Evropske povelje o ljudskim pravima.

Najznačajniju ulogu u provođenju reformi imao je visoki predstavnik, kojem su Aneksom 10 date posebne nadležnosti da "prati implementaciju mirovnog sporazuma" i "pomogne, kada to smatra neophodnim, u rješavanju svih poteškoća koje se jave u vezi s implementacijom civilnog dijela Sporazu-

ma". Ove ovlasti su dodatno proširene na sjednici PIC-a u Bonu 1997. godine, kada su visokom predstavniku date dodatne, odnosno gotovo neograničene ovlasti u provedbi mirovnog sporazuma. Upravo će ove ovlasti biti ključne u izmjenama prvobitnih rješenja.

Intervencije visokih predstavnika

Bonske ovlasti prvi je počeo koristiti visoki predstavnik Karlos Vestendorff (Carlos Westendorff), koji je kao najznačajnije nametnuo odluke o uvođenju zastave BiH i konvertibilne marke kao valute. Svoje ovlasti mnogo izdašnije je upotrebljavao sljedeći visoki predstavnik Wolfgang Pe-



Pedi Ešdaun: Najviše koristio bonske ovlasti

trič (Wolfgang Petrisch). U njegove ključne nametnute odluke spadaju osnivanje Suda i Tužilaštva BiH (2000.), te odluka o defini-



tivnom uspostavljanju Brčkog kao posebnog distrikta, također 2000. godine.

S obzirom na to da dejtonski ustav organizira BiH kao državu dva entiteta, ne definirajući treću političko-teritorijalnu jedinicu, uspostavom Brčkog Distrikta promijenjena je političko-teritorijalna organizacija BiH. Ipak, najkontroverzniji potez Petriča jesu amandmani na Ustav FBiH i način izbora delegata u Domu naroda FBiH. Nakon odluke Ustavnog suda kojom su i Srbi proglašeni konstitutivnim narodom u FBiH, a Bošnjaci i Hrvati u RS, Petrič je nametnuo amandmane kojima je srpski klub u Domu naroda FBiH izjednačen po broju zastupnika s bošnjačkim i hrvatskim.

Osim toga, promijenjen je i sam izbor delegata, tako da su delegati iz svih kantona sada mogli biti imenovani u sva tri kluba u Domu, ali je promijenjen i način biranja nove vlade tako što je uz prostu većinu sada bila dovoljna i samo trećina glasova delegata iz svakog kluba u Domu naroda. Ovo je smanjilo moć HDZ-a u kontroli hrvatskog kluba u Domu i omogućilo formiranje Vlade FBiH uz zaoblazanje

Sudbina promjene Dejtona

Bez intervencija visokih predstavnika naša zemlja danas ne bi imala jedinstvenu valutu, zastavu, regijske oznake, vojsku, Sud i Tužilaštvo BiH itd. Ipak, onaj finalni rezultat u smislu donošenja ustavnih promjena koje bi omogućile otklanjanje barem dijela kočnica za funkcioniranje države koje je nametnuo Dejton na kraju je izostao. Poslije rušenja „aprilskog paketa“ i an-

gažman stranih sila i intervencionizam visokih predstavnika naglo je smanjen, a zvanični pokušaji ustavnih promjena zvanično su i obustavljeni nakon Butmirkog procesa.

Brojni domaći i međunarodni eksperti danas skreću pažnju na to da je BiH potrebna promjena Ustava kako bi se učinila funkcionalnijom državom, ali i uklonile diskriminatorne odredbe koje postoje

Vrhunac intervencija visokih predstavnika i nove klime koja je stvorena u društvu trebalo je biti usvajanje amandmana na Ustav 2006. poznatih pod nazivom „aprilski paket“. Najznačajnije promjene ticale su se jačanja i olakšavanja funkcioniranja državnog nivoa vlasti, poput proširenja ovlasti Vijeća ministara, uvođenje predsjednika BiH s dva potpredsjednika koji bi se birali u Parlamentu BiH, smanjenje ovlasti Doma naroda BiH, koji bi odlučivao samo o vitalnom nacionalnom interesu itd.

Paket ustavnih promjena podržan je od ključnih stranaka u RS, SNSD-a, SDS-a i PDP-a, od SDA i SDP-a te HDZ-a BiH, ali je oboren zbog nedostatka dvotrećinske

u trenutnom Ustavu (poput mehanizma biranja članova Predsjedništva). Intervencije visokih predstavnika s ciljem promjene izvornih rješenja danas su podržane od probosanskih stranaka, ali uglavnom osuđivane od hrvatskih i srpskih nacionalnih stranaka, koje u mnogim od njih vide nasilno mijenjanje izvornog mirovnog sporazuma i smanjenje njihovih nacionalnih prava.

većine u Predstavničkom domu Parlamenta BiH, nakon što su protiv zakona glasali Stranka za BiH i HDZ 1990. Lider SBiH Haris Silajdžić usprotivio se zakonu zbog zadržavanja tzv. entitetskog glasanja i člana po kome se Parlament raspušta ukoliko se u tri kruga ne izabere nova vlada BiH. HDZ 1990, s Božom Ljubićem na čelu, nastao nakon raskola u HDZ-u, bio je protiv predloženih amandmana zbog smanjenja ovlasti Doma naroda.

(U idućem nastavku: Kakva je bila sudbina ustavnih promjena u BiH nakon pada Aprilskog paketa)

stranke koja drži većinu hrvatskih mjesta u Domu (što se desilo 2000. i 2010.).

Ova ustavna rješenja dovela su i do otvorene pobune tadašnjeg rukovodstva HDZ-a BiH koje je samoinicijativno proglasilo "Hrvatsku samoupravu", političku avanturu koja je ugašena nakon nekoliko mjeseci. Zahtjevi da se ponište ovi nametnuti amandmani do danas su ostali jedan od glavnih uvjeta hrvatskih nacionalnih stranaka u BiH.

Aprilski paket

Nakon Petriča, još aktivniji u primjeni bonskih ovlasti bio je Pedi Ešdaun

(Paddy Ashdown), koji je postao apsolutni rekord u tome. Ipak, za razliku od Petriča, Ešdaun je, umjesto direktnog nametanja amandmana, radije primjenjivao taktiku da odluke primjenjuje direktno na političare i tako ih privoli na provođenje reformi u cilju jačanja države BiH. Tako je 2004. u samo jednom danu smijenio čak 59 političara iz Republike Srpske, od kojih 11 trajno. Ova politika urodila je plodom pa Ešdaun kao svoj najveći uspjeh može upisati činjenicu da su ključne bh. stranke pristale na formiranje jedinstvenih Oružanih snaga BiH i ukidanje entitetskih.



Prudski proces: Neuspješna improvizacija pregovora



Ogroman skok broja novozaraženih PLAĆAMO LI CIJENU PROSLAVE PRAZNIKA?

MOSTAR - Od posljednjeg izvješća o epidemiološkoj situaciji, Zavodu za javno zdravstvo Federacije BiH prijavljeni su rezultati laboratorijskog testiranja 3.543 uzorka, od kojih je 451 bio pozitivan na SARS-CoV-2.

Novi slučajevi zaraze korona virusom zabilježeni su u svim županijama. U promatranom je razdoblju Zavodu za javno zdravstvo FBiH prijavljeno ukupno 9 novih smrtnih ishoda: 3 u Zeničko-dobojskoj županiji, 2 u Tuzlanskoj, 2 u Hercegovacko-neretvanskoj te po jedan u Zapadnohercegovačkoj i u Sred-

njobosanskoj županiji. Tako je, s jučerašnjim danom, ukupan broj smrtnih ishoda na području FBiH iznosio 2.278. Od početka pandemije, u FBiH je testirano ukupno 358.330 uzoraka, a SARS-CoV-2 je potvrđen kod 74.233 osobe. Izliječeno je 55.277 pacijenata dok je, prema podacima od petka, aktivno bilo 16.679 slučajeva pozitivnih na SARS-CoV-2.

Jučer je i u Brčko Distriktu BiH registriran jedan novi slučaj zaraze virusom korona a od posljedica zara-



ze preminule su dvije muške osobe.

Mostar: Dvoje preminulih u 'Covid' bolnici
U Klinici za infektivne bolesti Sveučilišne kliničke bolnice (SKB)

Mostar su u 24 sata preminule dvije osobe: muškarac iz Mostara (1949.) i žena iz Posušja rođena (1932.) Na bolničkom liječenju je, prema podacima od petka, bilo 69 bolesnika, od kojih 7 na invazivnoj i 2 na neinvazivnoj mehaničkoj ventilaciji, dok su ostali bili klinički stabilni. U Zavodu za mikrobiologiju i molekularnu dijagnostiku SKB-a testirano je 687 uzoraka a u HNŽ-u je potvrđeno 76 pozitivnih uzoraka: 46 iz Mostara, 7 iz Stoca, 1 iz Konjice, 8 iz Čapljine, 5 iz Jablanice, 8 iz Čitluka i 1 iz Prozora-Rame. Županijski i općinski sanitarni inspektori izdali su u četvrtak 242 rješenja o samoizoliranju i izoliranju, a na snazi ih je 2.900, stoji u izvješću Kriznog stožera Ministarstva zdravstva, rada i socijalne skrbi HNŽ-a.

Haris Vranić na čelu novog saziva Kriznog stožera u SZ

Sarajevska županija (SZ) dobila je novi Krizni stožer, kojeg je imenovao ministar zdravstva SZ-a Haris Vranić, a koji će vršiti i funkciju predsjednika Kriznog stožera KS-a. Ostali novoizabrani članovi su Aida Pilav, Aida Pitić, Ednan Drljević, Gorana Krstović, Denaida Ovcina-Sabanović, Lejla Pojskić-Kapur i Amra Isić. Njihova je zadaća pratiti situaciju i utvrđivati mjere za sprječavanje širenja koronavirusa. Prethodni je saziv Kriznog stožera raspušten zbog loših odluka.



Ništa od 1,5 milijardi KM za BiH

Nema dogovora, a ni novog kreditnog zaduženja Bosne i Hercegovine od 1,5 milijardi KM kod Međunarodnog monetarnog fonda (MMF). Iz MMF-a su ranije za Oslobođenje kazali da su bh. vlastima vrata za nastavak pregovora otvorena do kraja sedmice. Bilo je govora o tome da će se sjednica Fiskalnog vijeća BiH održati 8. januara, koji je označen kao krajnji rok za usvajanje Pisma namjere, ali do toga nije došlo, pa od aranžmana zasad nema ništa.

Ostala su pitanja koja se tiču konkretnih reformi - jedinstveni račun

Dio vlasti neće reforme, pa ni jedinstveni registar računa kako bi se suzbili pranje para i korupcija

Pišu: **AMELA LONČARIĆ I ALMIR BIČAKČIĆ**

građana, elektronski potpis i drugo, što iz RS-a tumače kao prenos nadležnosti.

- Smatram da Republika Srpska na taj način pokušava da poveća učešće u kreditu s 33 na 40 posto, govori ekonomski analitičar Admir Čavalić.

Guverner Centralne banke BiH Senad Softić nam kaže da je pravni osnov za održavanje registra računa pravnih i fizičkih lica apsolutno neupitan i da CBBiH već duži niz godina ima uspostavljen Jedinstveni registar računa poslovnih subjekata i Centralni registar

kredita poslovnih subjekata i fizičkih lica.

- Nadogradnjom registra koji bi uključivao i račune fizičkih lica, zaokružio bi se davno započeti proces uspostave jedinstvenog registra i time značajno olakšao rad svim učesnicima u finansijskom

sektoru, naročito bankama, ali i građanima u BiH, kaže Softić.

S njim se slaže i direktor Finansijsko-informatičke agencije (FIA) Esad Mahmutović.

- Formiranje registra računa fizičkih lica bio bi ogroman uspjeh iz više razloga, najprije zbog sprečavanja pranja novca i korupcije, ali i zbog prinudne naplate, jer kada tražite neko fizičko lice, a svi obrti se vode na fizička lica, da biste dobili informaciju, institucija se mora obratiti na 18 mjesa i banaka, objašnjava Mahmutović. / STR. 2. I 3.

Registar je potreban i građanima i bankama

Uspostavom jedinstvenog registra u Centralnoj banci BiH ne ograničavaju se mogućnost i pravo vođenja entitetskih registara niti prenos nadležnosti, kaže Softić

Piše: **ALMIR BIČAKČIĆ**

U jeku pandemije koronavirusa, u RS-u je u martu prošle godine uspješno uspostavljen Registar računa fizičkih lica. Pretpostavke za njegovo uspostavljanje i vođenje stvorene su na osnovu Izmjena i dopuna Zakona o unutrašnjem platnom prometu RS-a iz jula 2019. godine. Registar, inače, omogućava zakonom propisanim institucijama da na jednom mjestu mogu pronaći sve informacije u vezi sa žiroračunima fizičkih lica. Sve je u skladu sa Zakonom o zaštiti ličnih podataka, podaci nisu javni, a korisnici ovih podataka jedino i isključivo dobijaju na uvid podatke o brojevima računa koji ne sadrže podatke o stanju i prometu na tim računima i mogu služiti isključivo u svrhu za koju se pribavljaju te se ne mogu dalje saopštavati ili dostavljati trećim licima.

Kraći put

Kada je u pitanju Zakon o unutrašnjem platnom prometu, isti je prošao u Zastupničkom domu federalnog Parlamenta, a sad se čeka na Dom naroda, mada je nedavno bio i na dnevnom redu prekinute sjednice.

Guverner Centralne banke BiH Senad Softić potvrđuje stavove Centralne banke koja podržava reforme sadržane u Pismu namjere Međunarodnog monetarnog fonda, a koje se odnose na finansijski sektor, naročito nadogradnju Jedinstvenog registra računa.

- Ta nadogradnja bi podrazumijevala proširenje sadašnjeg registra, koji bi uključivao i račune fizičkih lica u BiH, a s namjerom jačanja finansijske stabilnosti i ispunjenja jednog od

ciljeva aranžmana s MMF-om, tačnije unapređenje jedinstvenog ekonomskog prostora i okvira za preveniranje i sprečavanje zloupotreba i nezakonitih radnji u platnom prometu. Pravni osnov za održavanje registra računa pravnih i fizičkih lica je apsolutno neupitan i CBBiH već duži niz godina ima uspostavljen Jedinstveni registar računa poslovnih subjekata i Centralni registar kredita poslovnih subjekata i fizičkih lica. Nadogradnjom registra koji bi uključivao i račune fizičkih lica zaokružio bi se davno započeti proces uspostave jedinstvenog registra i time značajno olakšao rad svim učesnicima u finansijskom sektoru, naročito bankama, ali i građanima u BiH, kaže Softić.

Direktor Finansijsko-informatičke agencije (FIA) Esad Mahmutović navodi da će FIA u budućnosti biti sjedište svih registara.

- Trenutno imamo Registar računa pravnih lica, a formiranje registra računa fizičkih lica bio bi ogroman uspjeh iz više razloga, najprije zbog sprečavanja pranja novca i korupcije, ali i zbog prinudne naplate, jer kada tražite neko fizičko lice, a svi obrti se vode na fizička lica, da biste dobili informaciju, institucija se mora obratiti na 18 mjesta, banaka. Što se tiče Federacije, mi čekamo donošenje izmjena Zakona o unutrašnjem

platnom prometu i spremni smo za brzu implementaciju registra računa. Ono što bi bila prava stvar je da registar imamo na nivou države, koji bi povezivao sve račune, uključujući jedan dio računa i u distriktu Brčko. Sad je sve na Domu naroda, znači sve je u proceduri, ističe Mahmutović i napominje da su ti podaci tajni, tako da će se s posebnom pažnjom pristupiti podacima.

- Vaš bankovni račun je vaš lični podatak i on mora biti tajan. Međutim, ako to traži Tužilaštvo, SIPA, banka, kako bi provjerili u kojim sve bankama komitent ima račune, mora postojati neki zakonski osnov da bi nekome bila dostupna informacija o računima, dok su za pravna lica ti računi javni. Pristup podacima mora biti strogo kontrolisan i normalno informacioni sistem mora biti zaštićen najsavremenijom opremom, ističe Mahmutović i dodaje da bi bilo dobro da se svi ti registri povežu između sebe.

Mira Bradara, pomoćnica federalne ministricе finansija, ističe da je upućen upit Centralnoj banci BiH u vezi s uspostavom registra na nivou BiH, ali, kako navodi, još sa sigurnošću ne može reći kad će to zaživjeti.

- Ono što je potrebno je da se usvoji zakon koji je išao po žurnom postupku u Parlament, ali imamo i ovaj drugi, Zakon o zaštiti korisnika finansijskih usluga, koji još nije u proceduri, mada je bio dostavljen u Parlament. S obzirom na to da se radi o podacima fizičkih osoba, podaci moraju biti zaštićeni. Pošto se radi o Registru računa fizičkih osoba, mi bismo morali tražiti mišljenje na taj tekst zakona i Agencije za zaštitu osobnih podataka, jer se radi o posebnim procedurama i odredbama, a koje moraju osigurati zaštitu. Zakonom mora biti propisano u kojim slučajevima se podaci mogu davati, odnosno kojim organima, kaže Bradara.

Manje prevara

Ekonomski analitičar Admir Čavalić mišljenja je da je registar izuzetna potreba u kontekstu EU integracija, odnosno rješavanja nekih pitanja koja su na tom putu i unapređenja suradnje s međunarodnim finansijskim institucijama.

- Dobro je da se centralizuje baza podataka i mislim da je apsurd, čista glupost da je to političko pitanje, ono je čisto ekonomsko. Na bazi navedenog smanjuju se bilo kakve mogućnosti malverzacija, prevara ili nekih drugih loših radnji u okviru finansijskog sektora. Postoji niz vanjskih evaluacija našeg finansijskog sektora i te evaluacije uglavnom prate određene parametre. Napravili bismo iskorak, gdje bismo dobili pozitivne ocjene, kad bi se to prebacilo na državni nivo, olakšana bi bila koordinacija, a naš finansijski, odnosno bankarski sektor bio bi još stabilniji. Postoje političke barijere u kontekstu prenosa nadležnosti, mada ovo nije klasični tip prenosa nadležnosti, ovo je više tehničko pitanje, koje ne potpada pod domen politike. U pozadini možda postoje partikularni interesi ili želja za promjenom pregovaračkih pozicija za stolom MMF-a, kaže Čavalić.

Da bismo sastavili registar, moramo imati pravni temelj koji treba biti usvojen, a koji propisuje njegovu uspostavu, tačnije ko će ga voditi i na koji način, kaže Bradara




Mira Bradara: Ne znamo kad će to zaživjeti



Centralna banka BiH: Treba podržati reforme iz Pisma namjere



Esad Mahmutović: Uvezivanje registara bila bi odlična stvar



BiH i dalje čeka vakcine protiv koronavirusa

Kantoni sami kreću u nabavku vakcina

Kako Oslobođenje saznaje, Vlada ZDK-a ostvarila je kontakt s Pfizerom u petak, a njenim putem mogle bi krenuti i vlasti Livanjskog i Hercegovačko-neretvanskog kantona

Prema informacijama koje je federalno Ministarstvo zdravstva dobilo od Ministarstva civilnih poslova BiH, kroz Covax mehanizam se krajem januara, odnosno početkom februara očekuje isporuka prvog manjeg kontingenta cjepiva protiv Covid-19 proizvođača Pfizer u Bosnu i Hercegovinu. Ovo cjepivo je dobilo privremenu dozvolu za upotrebu od Europske agencije za lijekove, kažu iz Ministarstva zdravstva FBiH.

Prijedlog Sindikata

Federacija BiH je kroz Covax mehanizam u prvom krugu nabavke osigurala 800.000 doza vakcina, koje će se nakon prve početne isporuke dalje sukcesivno dostavljati.

Spiskove vakcinacije u Kantonu Sarajevo će napraviti svaka zdravstvena ustanova

Ipak, kako Oslobođenje saznaje iz Strukovnog sindikata doktora medicine i stomatologije FBiH, Vlada Zeničko-dobojskog kantona i nadležno ministarstvo su ostvarili kontakt s Pfizerom u petak i odlučili da počnu zvanične pregovore o nabavci vakcine uz saglasnost da se proces odvija preko UNDP-a.

Nakon sastanka naredne sedmice oni će znati kako je odgovorio Pfizer iz centrale u New Yorku i kako je odgovorio UNDP na njihov zahtjev da se praktično tri strane uključe u nabavku vakcine, Pfizer kao proizvođač, UNDP kao posrednik i Vlada ZDK-a kao krajnji naručilac, kažu nam iz Sindikata, naglašavajući da su i Livanjski i Hercegovačko-neretvanski kanton na prijedlog sindikata također izrazili spremnost da počnu nabavku vakcine direktno od ovog proizvođača.

U Zavodu za javno zdravstvo Kantona Sarajevo uveliko se pripremaju za imunizaciju kada stigne vakcina protiv koronavirusa u BiH.

Među prvim biće vakcinisani zdravstveni radnici i osoblje u domovima za njegu i brigu o starima, policija i radnici u obrazovanju, kaže za Oslobođenje epidemiologinja dr. Aida Pitić, članica novog Kriznog štaba Ministarstva zdravstva KS-a.

Spiskove vakcinacije će napraviti svaka zdravstvena ustanova, biće sve po protokolu. Mi smo sada u vrlo aktivnom periodu priprema kad vakcina dođe, da budemo spremni i da se vakcinacija uradi na što je god moguće bolji način, naglašava dr. Pitić i dodaje kako će građani biti blagovremeno obaviješteni o vakcinaciji.

Još nikakav promotivni materijal nisu dobili, ali se nadaju da će s vakcinama i on stići na vrijeme.

Imunizacija se po Pravilniku o imunizaciji obavlja u ustanovama primarne zdravstvene zaštite, odnosno kod nadležnog porodičnog doktora. Mi smo u posebnoj situaciji jer Covid-19 imunizacija nije kao ostale uobičajene imunizacije, ali se trudimo da svaka od zdravstvenih ustanova obavi imunizaciju svojim uposlenika na najbolji mogući način. Sada smo u fazi pregovaranja, dogovaranja do najsitnijih detalja ko će šta raditi, kako će raditi, šta će se desiti kada vakcina dođe, ko će je preuzeti, ko će je distribuirati po lokalitetima, objašnjava dr. Pitić.

Preporuke FBiH

Na pitanje kako će se skladištiti vakcina protiv koronavirusa koja zahtijeva posebne mjere, dr. Pitić odgovara kako su za skladištenje nadležni federalni ministarstvo i Zavod za javno zdravstvo. Prema njihovim preporukama će i postupiti kada krene imunizacija od koronavirusa u BiH.

Prema podacima od petka, u FBiH je još 451 građanin pozitivan, a devet ih je preminulo. U RS-u je registrovano još 150 novozaraženih, a u 48 sati su preminula 22 pacijenta, dok su u Brčko distriktu registrovani jedan slučaj zaraze i dva smrtna ishoda.


MERIMA BABIĆ



Mlada Brčanka živi san u Grenobleu

Nakon što je uspješno magistrirala na Univerzitetu Ca'Foscari u Veneciji, Ida Fazlić započinje doktorat na European Synchrotron Radiation Facility

Piše: **AMELA LONČARIĆ**



Mnogo je priča o uspjesima mladih ljudi iz BiH širom svijeta, ali uvjerićete se, ova je posebna. Ida Fazlić, 25-godišnja Brčanka, dijete rođeno u izbjegličkom naselju, zahvaljujući napornom učenju, trudu i radu upravo živi svoj san. Nakon što je prošle godine iz izolacije u **Brčkom** putem videolinka uspješno odbranila magistarski rad i stekla titulu magistricе u nauci i tehnologiji konzervacije kulturnog naslijeđa na Univerzitetu Ca'Foscari u Veneciji, nastavila je nizati uspjehe.

Nevjerovatna prilika

Dobila je priliku da početkom marta započne pripremu doktorata iz analitičke hemije na European Synchrotron Radiation Facility (ESRF) u Grenobleu u Francuskoj, a radiće i u Rijks muzeju pri Univerzitetu u Amsterdamu.

- Prije svega, moram spomenuti da sam kroz istraživanje i studiranje u Veneciji dobila priliku da radim sa Internacionalnom galerijom savremene umjetnosti Ca' Pesaro, a potom sam dobila jedinstvenu priliku za rad u Kunsthistorisches Muzeju u Beču, gdje sam odradila tromjesečni staž. S obzirom na to da su bili zadovoljni mojim radom, pozvali su me da im se opet pridružim. Ja sam u ovom periodu trebala da budem tamo i da produžim svoj staž. Kako se desila pandemija, svima se nešto poremetilo, pa tako i meni. Nažalost, nisam dobila priliku da odem u Beč zbog restrikcija, ali sam dobila priliku da nastavim studije pri ESRF-u. To je akcelerator čestica koji koristi x zrake za razne analize između kojih će u toku mog rada tamo biti i analize uzoraka, kako historijskih tako i industrijskih boja. Ovaj doktorat nije baziran samo u Grenobleu nego se saradnji sa njima priključio i Rijks muzej u Amsterdamu te ću od četiri

Znanje i upornost uvijek se na kraju isplate

godine jednu provesti u tom muzeju, priča za Oslobođenje Fazlić.

Kaže nam kako nije sigurna da je neko s naših prostora otišao raditi i studirati u Synchrotronu jer je to, kaže nam, sa naučne tačke gledišta ostvarenje snova svakog hemičara, naučnika u konzervaciji.

- Tu se, zapravo, izvode najkompleksnije i najnovije analize uzoraka kulturno-historijskih djela i one svojim radom doprinose kako stanju nauke u konzervaciji tako i same konzervacije. Ta ustanova ima nevjerovatan značaj ne samo za Francuze nego i za cijeli svijet, jer 22 zemlje u cijelom svijetu učestvuju u finansiranju Synchrotrona i samim tim podržavaju ga i imaju saradnju s njim. Od četiri takve ustanove na svijetu, Synchrotron je jedna od najsnažni-

Od četiri naredne godine Fazlić će imati priliku da jednu godinu radi u Rijks muzeju pri Univerzitetu u Amsterdamu

onda mogla procijeniti uzroke degradacije, uzroke propadanja, a u nekim slučajevima je moguće napraviti razliku da li je djelo pravo ili je ono reprodukcija. Kroz sve to istraživanje i studiranje u Veneciji dobila sam priliku da radim sa Internacionalnom galerijom savremene umjetnosti Ca' Pesaro u Veneciji, a potom sam dobi-

- Bila sam koliko sretna, toliko i razočarana što nisam mogla da podijelim taj trenutak sa svojim najdražim. Kad sam završila magistarski, očekivala sam da ću posao dobiti odmah, nastaviti studije, ići vani ili dobiti priliku da radim u BiH. Ostala sam u Brčkom i kako nisam željela da se prepustim očaju, odlučila sam da počnem raditi u Legat kući Ekmečić u Brčkom i počela sam sarađivati sa Umjetničkom galerijom u Brčko distriktu. Kroz saradnju s njima dobila sam priliku da upoznam Safeta Zeca koji je genije. Nakon šest mjeseci dala sam se u potragu za doktorske studije koje dugo želim. Slučajno sam na internetu našla priliku da radim sa Synchrotronom, vidjela sam da su u saradnji sa Rijks muzejom i Akzonobel firmom i poslala sam dokumente. Jedan mentor iz Venecije mi je rekao: budi spremna, jer ti se možda to neće ostvariti, ljudi godinama pokušavaju da odrade eksterni projekat i da bar malo sarađuju sa njima, a kamoli da tamo odu živjeti i raditi. Druga mentorica mi je rekla: samo ti pokušaj, nemaš šta izgubiti. Prije dvije sedmice su me pozvali na razgovor koji je trajao dugo. Razna pitanja su mi postavili, počevši od toga kakve su moje mogućnosti prezentovanja, komunikacije, kako prezentujem istraživanje drugima, a potom su krenula pitanja vezana za moja znanja iz hemije. Bila sam spremna da me mogu pitati bilo šta, kaže Fazlić.



Mlada Brčanka svoje znanje planira uložiti u bh. naslijeđe

jih, koja ubrzava čestice do te mjere da se one približe brzini svjetlosti i isijavaju određenu energiju koja se kasnije usmjerava u laboratorij i koristi za analize, pojašnjava Fazlić.

Kroz razgovor se prisjetila trenutaka i vrijednih iskustava koja je ostvarila tokom studija u Veneciji.

- Ovaj studij je bio malo drugačiji od onoga što sam dotad studirala, a sastojao se od istraživanja, to jeste naučnih analiza kulturno-historijskih objekata koji, recimo, pate od neke osobite degradacije, raznih oštećenja kako prirodnih tako i onih nanesenih ljudskom rukom. Tokom studija dobila sam priliku da kroz te analize i rad u laboratoriji saznam više o samom sastavu djela kako bih

la priliku za rad u Kunsthistorisches muzeju u Beču, gdje sam odradila tromjesečni staž, ističe Fazlić.

Ne može zaboraviti ni trenutke kada je magistrirala iz izolacije, a posebno teško joj je palo to što je majka bila u drugoj sobi i nisu se mogle zagrliti.

Fazlić nam kaže da joj sve vrijeme neizmjernu podršku pružaju njeni najmiliji, majka, sestra, momak, tetka i nana

Prihvaćena aplikacija

Dobila je poziv nakon pet dana i tom prilikom joj je saopšteno da ju je sedam panelista koji su je intervjuisali izabralo na tu poziciju. U četvrtak ju je nazvao direktor ustanove i potvrdio da je njena aplikacija prošla i da je službeno zaposlena kod njih.

- Odlučila sam da idem vani i studiram, ne zato što mi u Bosni nije lijepo, već što je moje polje rada, to jest hemija u konzervaciji toliko specifična da ona još uvijek nije došla do nas. To je mlado i perspektivno polje da još uvijek nemamo takve stručnjake. Zato sam otišla vani po znanje koje planiram kroz svoje djelovanje uložiti u naše naslijeđe. Ja sam BiH uvijek na raspolaganju jer je to moja domovina i školovala sam se kako bih unaprijedila i naše naslijeđe, zaključuje na kraju Fazlić.



Otvoreni tenderi za obnovu Luke Brčko

Prvi tender je za rekonstrukciju platoa, a drugi, koji će se uskoro raspisati, odnosi se na nabavku lučke dizalice

Tender za rekonstrukciju platoa na operativnoj obali u Javnom preduzeću Luka Brčko zatvara se 26. januara i njegovo zatvaranje značit će i zvaničan početak radova na rekonstrukciji i revitalizaciji cijele Luke.

Faze

U narednih nekoliko dana se očekuje i objavljivanje tendera za nabavku lučke dizalice, a sve je osigurano sredstvima Evropske banke za obnovu i razvoj (EBRD).

Tender je raspisan na zvaničnoj internet-stranici BRD-a i to je samo jedna od nekoliko faza strateškog projekta modernizacije cijele Luke. Vidjet ćemo koliko će se ponuđača javiti, kazao nam je predsjednik Jedinice za implementaciju projekta Luka Brčko Pero Gudeljčević.

Rekonstrukcija platoa trebala bi koštati oko 960 hiljada eura, dok bi nabavka lučke dizalice trebala koštati oko tri miliona eura. Cjelokupan projekat rekonstrukcije Luke iznositi će oko 10 miliona eura, za što je EBRD već osigurao kreditna sredstva - 7 miliona eura kredita i 3 miliona eura nepovratnih sredstava, koji će biti utrošeni za nabavku dizalice.

Ovo je jedan od vitalnih projekata za cijelu privredu Brčkog, ali i velikog dijela drugih regija koje se oslanjaju na usluge Luke.

Dizalice su stare više od 50 godina - jedna 52, a druga 53 i često su u kvaru, a otežan je i popravak, jer za njih više jednostavno nema ni rezervnih dijelova, kazao je Marinko Viljušić, direktor Luke Brčko.

Osim što Luka Brčko ima izuzetno staru opremu, postoje i drugi problemi zbog kojeg je ovo pre-



Oprema je dotrajala, ne mogu se nabaviti ni rezervni dijelovi

duzeće prošle godine imalo velike gubitke. Zatvaranjem mosta prema Hrvatskoj, što je urađeno u januaru 2019. godine, gubitak Luke za necarinjenje roba iznosio je oko 340 hiljada KM. Umjesto planirane 184 hiljade tona tona robe, Luka je prošle godine pretovarila svega 125 tona tereta i time izgubila trećinu prihoda.

Problem čišćenja Save je trebao biti riješen kroz projekat Svjetske banke, ali je i taj projekat na čekanju

Problem predstavlja i ograničena plovnost rijeke Save, posebno u dijelu od Brčkog do Beograda, koji je ključno odredište za optimalno funkcionisanje Luke. Postoji pet tačaka na ovoj dionici koje bi trebale biti riješene, a koje, prema ranije iznesenim procjenama iz Luke, ne bi koštale mnogo ukoliko bi se Srbija i BiH uspjele dogovoriti.

Pruga

Tenderi za ostale radove - izgradnju novog kolosijeka sa željezničke stanice Brčko Novo do Luke, te izgradnju pruge unutar Luke i nove pristupne ceste - trebali bi biti objavljeni u prvom kvartalu 2021. godine, do kada bi trebala biti prilagođena prostornoplanska dokumentacija Brčkog distrikta BiH. **MIREN ALJIĆ**



NA POČETKU PROVOĐENJA REVIZIJE BILO JE 33.379 KORISNIKA PRIJEVREMENIH POVOLJNIJIH MIROVINA

Od 1250 “izvedenih” iz prava bez mirovine ostalo njih 306

Ljiljana Vidačak

Vlada FBiH prihvatila je informaciju o provedbi Zakona o provođenju kontrole zakonitosti korištenja prava iz oblasti braniteljsko-invalidske zaštite za razdoblje od 1. travnja do 30. lipnja 2020. godine.

Od početka primjene Zakona o reviziji pa do 30. 6. 2020. godine postupak kontrole okončan je u 140.604 predmeta korisnika. Od toga se 55.367 predmeta odnosi na prava na osobnu, a 47.102 na obiteljsku invalidninu, 33.298 predmeta su korisnika koji su ostvarili pravo na mirovinu pod povoljnijim uvjetima, a 4837 su predmeti korisnika prava na mjesečni novčani dodatak - nositelji najviših ratnih priznanja i odličja.

Podaci Zavoda MIO

Postupak kontrole I. faza revizije nije okončan u 451 predmetu. Od tog broja 78 predmeta su predmeti korisnika prava na osobnu invalidninu, 124 predmeta su predmeti korisnika prava na obiteljsku invalidninu, 81 predmet su predmeti korisnika koji su ostvarili pravo na mirovinu pod povoljnijim uvjetima, a 168 predmeta su predmeti korisnika prava na mirovinu po povoljnijim uvjetima. Po podacima kojima raspolaže Federalno ministarstvo, na početku revizije struktura ostvarenih prava na mirovinu po povoljnijim uvjetima bila je sljedeća: uredba - 1985 korisnika, uredba - II 4512 korisnika, uredba III - 5042 korisnika, Zakon o pravima razvojačenih branitelja - 3849 korisnika koji su ispunili uvjete po Zakonu MIO, Zakon o pravima razvojačenih branitelja - 6608 korisnika koji nisu ispunili uvjete po Zakonu MIO, Zakon o povoljnijem prijevremenom umirovljenju - 8147 korisnika, Zakon o pravima branitelja i članova njihovih obitelji - 4236 korisnika. Dakle, prema podacima iz informacije, riječ je o 33.379 korisnika povoljnih mi-



ZA 176 PREDMETA još nije postupljeno iz razloga provođenja postupka implementacije presuda Ustavnog suda

Od 1074 obrađena predmeta, nakon ponovljenog postupka, za 583 korisnika povoljnijih mirovina isplata je ponovno uspostavljena

Za 185 korisnika dostavljena je potvrda FMB-2, ali su isti ostvarili pravo po drugom propisu, dakle i tih 185 osoba nije bez mirovine

rovina.

Po podacima Federalnog zavoda za MIO, zaključno s mjesecom lipnjom 2020. godine, isplaćeno je: 11.859 mirovina korisnicima po članku 3. Zakona o prijevremenom povoljnijem umirovljenju branitelja Domovinskog rata, 16.012 mirovina korisnicima po članku 4., 9. stavku 2. i članku 14. stavku 2. Zakona o prijevremenom povoljnijem umirovljenju branitelja Domovinskog rata, 5713 mirovine korisnicima koji su to

pravo ostvarili po osnovi Zakona o pravima branitelja i članova njihovih obitelji, 9818 mirovina korisnicima koji su to pravo ostvarili po osnovi Zakona o pravima razvojačenih branitelja i članova njihovih obitelji, od čega je 8255 korisnika ispunilo uvjete po Zakonu o MIO.

Kako se navodi u informaciji, Federalni zavod MIO je do 30. 6. 2020. godine zaprimio 1250 potvrda na obrascu FMB-2. Od ukupnog broja zaprimljenih potvrda FMB-2, FZ MIO postupio je u 1074 predmeta, a za 176 dostavljenih potvrda FMB2 nakon objavljivanja presuda Ustavnog suda FBiH (presuda U-7/12 od 22. 11. 2012., koja je objavljena 6. 1. 2013. godine, i presuda broj U-17/12 od 7. 2. 2013. godine, objavljena 27. 3. 2013. godine) još uvijek nije postupljeno iz razloga provođenja postupka implementacije istih. Od 1074 obrađena predmeta, u ponovnom postupku dostavljena je potvrda FMB-1 za 567 korisnika, za 12 korisnika je donesena presuda nadležnog suda o ponovnom uspostavljanju prava i za 4 korisnika je promijenjena osnova za priznavanje prava na mirovinu pa je za 583 korisnika ponovno uspostavljena isplata. Za 185 korisnika dostavljena je potvrda FMB-2, ali su isti ostvarili pravo po drugom propisu. Dakle, od 1250 potvrda na obrascu FMB-2, dakle onih koji izvode iz prava, na kraju je, barem za sada, bez mirovina ostalo 306 osoba s obzirom na to da ostali i dalje ostvaruju mirovinu.

Za kontrolu još 81

Prema usvojenoj informaciji, postupak kontrole I. faze revizije nije okončan u 81 predmetu korisnika koji su ostvarili pravo na mirovinu pod povoljnijim uvjetima. Od tog broja najviše je u Tuzlanskoj županiji - 35, slijedi Hercegovačko-neretvanska županija s 13, US županija s osam predmeta, Posavska šest, SBŽ pet predmeta te u Hercegbosanska županija s četiri. Po tri predmeta ostala su u SZ-u i Distriktu Breko, dva u Zapadnohercegovačkoj županiji te po jedan nepregledan predmet u Zeničko-dobojskoj i Bosansko-podrinjskoj županiji.